

AEbeeso 2:2 Bwatûûraga bûkari ta antû ba nthîgûrû bûkîathîkagîra mûnene wa mainya mara maathanaga maanganyoni. Mûnene ûyu i kîrundu kîra kîrutaga ngûgî antûûni bara baregaga kwathîkîra Ngai.

Mathayo 6:10 Ünene bwaku bûuye, kwenda gwaku kûrûthagwe gûkû nthîgûrû ta bûra kûrûthagwa îgûrû.

Ruka 22:42 akiugaga, "Baaba, ûkeegua wenda, ruta gîkombe gîkî gîa kînyamaara mbere yakwa. Îndî rûtha bûra ûkwenda, ti bûra nkwendâ."

Njoana 16:7-9 Îndî na mma ga nkûbwîra, i kaaba nkathi n'ûntû bwenu. Nkarega kûthi Mûteetheeria atiya. Îndî nkathi, ndamûtûma kîrî biû. 8 Rîra akaaya akoonia antû wîyia bwao. Akaboonia ibaagîrîtwe beegua barî baagîru na akaboonia mûthûûro wa Ngai ûrî kîrî kîrîndî kîa nthîgûrû. 9 Akaboonia beeyagia n'ûntû batimbîtîgîtie.

2 Timotheo 2:10 Kwoogu i ntûma mbûmagîria mathîna monthe, nkîthangîkagîra bara Ngai athuurîtie, kaingo wana bo boona wonokio bûra bûrî kîrî Kîrîstû Yiesû, bûra bûreetaga mwago wa tene na tene.

ARooma 15:20,21 Mworooto wakwa rîonthe wîgagua ûrî gûtûmîria ntheto îmbega gûntû kûra antû bateegua Kîrîstû akîgwetwa. Ndûthaga ûgu kaingo ntaakîira mûcingiini wa muntû ûngî. 21 Na wata bûra kwandîkîtie Maandîkooni Maatheru, "Bara batoona wa kûbamenyithia mantû maake bagaattua kwona, bara bateegua akîgwetwa bagaaciûkîra."

Ngûgî 2:36,37 Kwoogu antû bonthe ba Isiraeri, menyaani atî, Yiesû woora bwambire i mma n'we Ngai atuîkithîtie Mwathani na Kîrîstû." 37Antû bakwîgua ûgu, beegua baeringithua mûno nkorooni ciao. Baûria Petûrû na atûmwa bara bangî, "Aruayia, n'ata tûkaarûtha?"

Albrania 4:2 Tûtûmîrîtie ntheto îno mbega atî Ngai natûthuuranîrîte kînogoko, ta bûra yatûmîrue kîrî bara Musa aatongoreerie bauma Miisiri. Îndî gûtirî bu yabateethia na bu n'ûntû bataamîtîgîra barî na wîtîgio.

Njeremia 24:7 - Mathayo 22:37 Yiesû amwîra, "Enda Mwathani Ngai waku na nkoro yaku yonthe, na mwoyo waku unthe na mathûgaania maaku monthe.'

Ngûgî 16:14 Ümwe wao eetagwa Rîndia, wa kuuma gûntû gweetagwa Thiatira. Aarî mûbiacaara wa gîtambaa kîa rangi ya ûkûyû. Na aarî mwekûrû aarombaga Ngai. Paûrû agîtûmagîria, Mwathani aarugûra nkoro yake eetîgîra ntûmwa ya Paûrû.

Mathayo 13:14-16 I ta bo kîroria Isaaya aagwetaga rîra aaroririe auga, 'Kwîgua bûkeegagua bûthikîrîtie, îndî bûtiiciûkîra. Gûcûuba bûgaacûûbaga, îndî bûtiona. 15 Na gîtûmi i kwîgua antû baba n'antû baûmo biongo, baûrîrîtie matû na baincia. Ûkeegua ti bu, wîgua bakîonaga na meetho, bakîgagua na matû, na bagîciûkîra mathûgaaniani maa, bagacooka kîrî niû, nkabarekera.' " 16 Yiesû aathi mbere na kûbeera, "Îndî biû bûrî baathaarime, n'ûntû meetho meenu imakwona na matû meenu imakwîgua.

Isaaya 6:9,10 - Ngûgî 28:27 N'ûntû antû baba i baûmo biongo. Bakunîkîte matû na baincia. Ûkeegua ti bu, wîgua meetho maaو makîonaga, matû maaو makîgagua, na mathûgaania maaو magîciûraga mantû, bakagarûka kîrî niû nkabooria.' "

Maariko 4:11,12 Yiesû abeera, "Biû ibwetwe ûûme bwa kûmenya witho bwa ûnene bwa Ngai. Îndî kîrîndî kîra kîngî kîo nwanga ngakîira mantû monthe na ngerekano, 12kaingo 'Gûcûuba bagaacûubaga, îndî bationa. Kwîguu bakeegagua bathikîrîtie, îndî baticiûkîwa. Ûkeegua t'ûgu baagarûka kîrî Ngai akabarekera.' "

Njoana 12:39,40 Kaîrî kîra kîgirîtie beetîgia, i kwîguu kîroria Isaaya augîite, 40 "Ngai nabaingîite meetho, abaûmia biongo, kaingo bataûmba kwona, kana baciûra. Ûkeegua t'ûgu baagarûka kîrî niû, nkabooria."

ARooma 11:7,8 Na kuuga ûgu i ta kwonania ata? I ta kwonania Aisiraeri batoona kîra baacûaga. Bara baakîonire i baakai, bara Ngai aathuurire. Îndî bara bangî ibaûmiirue biongo, 8 wata bûra kwandîkîtie Maandîkooni Maatheru, "Wana ïmunthî Ngai nabaindiganîtie mathûgaania, abaingîite meetho kaingo batoona. Abaingîite matû kaingo bateegua."

2 AThesaronike 2:10,11 Agaatûmîra mîthembâ yonthe ya ûthûuku kweneeria bara baûrîte. Na bara akeeneeria ibakaathirua n'ûntû bwa kûrega kwenda kana gwîtîgîria ûmma bûra bûkîûmba kûboonokia. 11 Kwoogu Ngai akaabaindigania batue gwîtîgagia mantû ma ûrongo.

Mathayo 13:18-23 Yiesû abeera, "Thikîriani mbwîre bûra ngerekano îno îkûrutana. 19 Mbeû ïra yagwîre njîraani, i ngerekano ya antû bara beegagua kiugo îndî bataciûre, Saitaani akaaya akabûria kîra gîkûrî kîande nkorooni. 20 Mbeû ïra yagwîre njaraani cia maiga i ngerekano ya antû bara beegagua kiugo kîa Ngai bagagîtîgia na mpwî bakeneete. 21 Na n'ûntû batîgagua beebînjîtie barika bwega, batikarangaga. Mathîna mabagwata kana baanyaamaarua n'ûntû bwa wîtîgio bwao bacookaga waara akûrû nthûti ïmwe. 22 Mbeû ïra n'yo yagwîre bantû arî na matî ma mîguu, i ngerekano ya antû bara beegagua kiugo kîa Ngai, îndî n'ûntû bwa kwîthangîkia bagîciirîria mantû ma ûtûûro bûbû bwa nthîgûrû îno na kwenda ûtonga gûkainyîka kiugo gîkathaata. 23 Na mbeû ïra yagwîre mûthetuuni ûmûnoru i ngerekano ya antû bara beegagua kiugo kîa Ngai bagagîciûra bakamenya bûra gîkuuga. I bo bareetaga maciaro maita îgana, bangî mîrongo îthanthatû, na bamwe mîrongo îthatû."

2 AKorintho 3:15,16 Wana ïmunthî warîonthe Ayaundi baathooma watho bwa Musa, ibakunîkagîrwa mathûgaania maaو. 16 Îndî muntû aagarûka kîrî Mwathani, gûkunîkwa gûku ikûthiraga.

Osea 11:3-7 - Mathayo 11:28-30 "Ncûuni bwinthe bara bûnogeete i gûkamata mîrigo îmîrito mbûnogokie. 29 Thûkiani gîcooki gîakwa bwîkîre mbûrutane bûnogoke nkoro n'ûntû niû ndî ûmûbooreeru na indînyîtie. 30 Gîcooki gîakwa i kîûthû na mûrigo ûra nkaabwaîkia n'ûmûûthû."

Ngûgî 26:18 Ngaatûma ûtûme barancûkie, baume mwinduuni baaye werûûni, baume wathooni bwa Saitaani batuîke antû ba Ngai kaingo barekerwa meeyia maaو, bathûkie kaanya kaao amwe na bara Ngai atherheetie kuumania na

wîtîgio bwao kîrî niû.' "

- 2 Timotheo 2:24-26 Mûruti ngûgî wa Mwathani atibatîrue athetania. Abatîrue oonia antû bonthe ûbooreeru, arî mwarimû ûmwega na ûûmagîria, 25 agîkaanagia bara bakûthûgaania mwanya n'we eenyiîtie n'ûntû kwaûmbîka Ngai akaa antû babu kaanya ga kwîrira bakamenya ûmma. 26 Rîru i rîo mathûgaania maaو makaabacookera kaîrî baûmbe kuuma mûtegooni ûra Nkoma arabagwete na uu, aatûma barûtha kwenda gwake.

Kûgwûrîwa 3:17-19 Wîbîrîaga, 'Na mma niû ndî gîtonga, gûtirî kîo ntarî.' Woû ka ûtaiyî ûrî ûmûthirîre, ûrî wa kwîguîwa kîao, nkîa, ntûngi na ûrî ûtheri. 18 Ndîkûroria ûgûre kuuma kîrî niû into bibi -- thaabu îkembeetue na mwanki kaingo ûtonga, nguo ïnjerû wîkîre kaingo witha ûtheri bwaku antû batiga kûbuona, na ndawa wîkîre meetho kaingo ûûmba kwona. 19 "Bara mbendeete i bo nkaanagia, nkaboonia mabîtia maaو. Kwoogu endaga kûrûtha bûra kwagîrîte na wîrire.

- 2 AKorintho 7:10 Kîeba kîra Ngai atûmagîra kîreetaga kwîrira kwa meeyia kûra gûtûmaga muntû oonokua. Na gûtirî mabîtia marî agu! Îndî kîeba gîa kumania na mantû ma kîñthîgûrû kîreetaga gîkuû.

1 Anene 18:37 - God turned heart back to God

- 2 AKorintho 4:4 Bara bateetîgagia batuîkithîitue ntûngi i ngai ûra aathanaga nthîgûrû, ta we Nkoma. Atûmîite barega kwona werû bwa ntheto îmbega îgûrû rîa mwago wa Kîrîstû, ûra arî mûbuanaano wa Ngai.

Ruka 8:11-15 Yiesû auga, "Ûrutani bwa ngerekano ïnu bûkari ûûgû. Mbeû i kiugo kîa Ngai. 12 Mbeû ïra yagwîre njîraani i ngerekano ya antû bara beegagua kiugo, îndî Saitaani akaaya akabûria kîra gîkûrî kîande nkorooni ciao batikaaye gwîtîgia boonokua. 13 Mbeû ïra yagwîre njaraani cia maiga i ngerekano ya antû bara beegagua kiugo kîa Ngai bagagîtîgia bakeneete, îndî ûtiîgagua beerikîtie bwega wîtîgioni. Beetîgagia kagiita gaakai, baayîrwa i magerio, bagacooka waara akûrû. 14 Mbeû ïra yagwîre matîni ma mîigua i ngerekano ya antû bara beegagua kiugo kîa Ngai, îndî n'ûntû bwa kwîthangîkia bagîciiragîria mantû ma ûtûro bûbû bwa nthîgûrû ïno, kwenda ûtonga, na mîago, bikainyîka kiugo gîkathaata. 15 Na mbeû ïra yagwîre mûthetuuni ûmûnoru i ngerekano ya antû bara beegagua kiugo kîa Ngai, bagakîthûkia na wendo na ûmma bakoonania maciara baûmîrîtie."

Ngûgî 15:11 Twîtîgîtie twonokagua kûringana na ûtugi bwa Mwathani Yiesû. Na wana bo i bu kûrî."

ARooma 8:13 Bûgatûûra bwathagwa n'nya ya mûtugo wa kîmuntû ibûgaakua. Îndî bûgacinda mantû maathûuku ma kîmwîrî kwa inya ya Kîrundu bûgaatûûra.